

— طول عمرى اعتقد ان التعليم شىء .. والخلق الفنى شىء
آخر .. اما الانسان « يختار » ببقى معلم .. ويعطى نفسه
وموهبته لتلامذته .. واما يكون فنان خالقى .. صعب يجمع بين
الاثنين .

— لكن الانسان ببقى مرن .. يضحى بعض الشىء .
— أضحى بالفن ؟

— لا .. لكن فى المرحلة دى .. لا مانع انك تشتغل
وتنتج ..
— أعمل بنصف قلب ؟

أنا نوع من الناس أحب عملى يستوعبنى تماما .. أحب
أخلص ليه .. وأؤديه باتقان .. الله نفسه — سبحانه وتعالى —
يباهى أمامنا .. نحن خلقه أنه « أتقن كل شىء صنعا » التعليم مهنة
يعطيها الانسان كل وقته .. رسالة يكتشف فيها المعلم الموهوبين
من تلامذته ..

— طيب ما أنا موهوب ومكتشف أهو ..

(يتوقف لحظة .. وهو يخبط صدره كأنها يشنبر
الى نفسه ويؤكد المعنى .. ثم يتنهد بلسى ..)

— لكن يا خسارة .. ضاع الاهتمام والحنان الكل نسيونى
وضيعونى ..

— من ينسأك ؟

— بلدى .. نسيت حتى غننا الجميل .. وموهبتها الأصيلة
شوفى الشوارع عريانة ازاي .. بردانة ..